

Sosteguaren garrantzia nabarmendu dute Herri Urratseko balantzea egitean

Seaska eta Hezkuntza Nazionaleko ordezkariak 21ean bilduko dira

Seaskako ordezkariak Herri Urratseko balantze baikorra egin zuten atzo, Miarritzen iragan zen prentsurrekoan. Jendeen mobilizazio handia azpimarratu zuten, konfirmatuz 100.000 lagun izan zirela Senperen maiatzaren 9an eta bezperan 7.000 Saran, Negu Gorriak taldearen kontzertuan.

M. ESTEBAN / MIARRITZE

Mixel Cazaubon eta Pello Claverie Herri Urratseko antolatzaileen ordezkariak diru bilketaren balantzea egin zuten: 3,2 milioi libera (67 milioi pezeta) bildu zituen Seaskak. Gastu guztiak ordaindu ondoren, mozkin nahikoa inportantea egin zuten: 1,8 milioi libera (39 milioi pezeta) baino gehiago. Iaz baino handiagoa da aurtengo mozkin. Joan zen urtean 1,64 milioi liberakoa (34 milioi pezeta) izan zen.

Herri Urratseko antolatzaileek eman zuten mozkinaren diru banaketa: 300.000 libera (6,3 milioi pezeta) Seaskarentzat eta gaineratikoa Kanboko Xalbador Ikastetegi kolegio eta lizeoarentzat. Azken kopuru honi buruz 796.000 libera (17 milioi pezeta) eraikinen maileguarentzat da eta 550.000 libera (11,55 milioi pezeta) kolegioa eta lizeoa bururatzeko.

Zuriñe Mendizabal, Euskal Herriko Ikastolen Elkartearen ordezkaria ere balantze egiteko ekitaldian izan zen. Iritzi baikorra plazaratu zuen: «konturatzen gara bizirik gaudela, hortxe gaudela eta jarraitzen dugula. Jendeek dudarik gabe beren sostengua erakusten diote ikastola sistemari Senpereko Herri Urrats bezalako festetan». Mendizabalek gaineratu zuenez, jende asko etorri zen Hego Euskal Herritik. Hain zuzen ere Seaskako ordezkarien arabera, Herri Urratsen bildu zuten diruaren % 70 pezetak ziren.

Datorren urterako Herri Urrats festari buruz, antolatzaileek azpimarratu zuten toki arazoa dutela Senperen, «ikusiz jendeen partizipazioa zenbatekoa den». Oraindik gauzak ez dira finkatuak baina «den tokian edo Iparraldeko beste toki batean» izanen da XI. Herri Urrats. Izan ere, festa nahikoa ongi antolatu arren, autoak aparkatzeko toki eskasa zela konturatu ziren aurretik.

Seaskako bulegoko partaidea den Patxi Irigoienek ere prentsurrekoan parte hartu zuen. Seaskako diruzaina den Irigoie-



Eguraldia ere ederra izan zuen lagun aurtengo Herri Urratsek. L.E.

nek Herri Urratseko antolatzaileak eta «euskal herritarrak» eskertu zituen. Ondotik, berriak eman zituen Seaska eta Hezkuntza Nazionaleko ordezkariak. Irigoienek esplikatu zuenez, «gogoetak izanen dira Seaskan zerbitzu publikoaren eta sistema pribatuaren artean hautatzeko. Eskola pribatua ezagutzen dugu. Aldiz, zerbitzu publikoaren funtzionamendua ez dugu ezagu-

menduaz hitz egingen du Hezkuntza Nazionaleko ordezkariak. Irigoienek esplikatu zuenez, «gogoetak izanen dira Seaskan zerbitzu publikoaren eta sistema pribatuaren artean hautatzeko. Eskola pribatua ezagutzen dugu. Aldiz, zerbitzu publikoaren funtzionamendua ez dugu ezagu-

✓ 3,2 milioi libera (67 milioi pezeta) bildu zituen Seaskak. Gastu guztiak ordaindu ondoren, mozkin nahikoa inportantea egin zuten: 1,8 milioi liberakoa.

tzen, batez ere ikastolak bezalako eskola berezientzat».

Bestalde, Irigoienek azpimarratu zuenez, ikastoletako gaur egungo egoera ez da beti ona, batez ere eraikuntza arazoei begira. «Miarritzen ikastola berria eraikitzen digu Udalak baina beste toki batzuetan arazo larriak daude, hala nola Ortzaizten. Han gurasek berek eraikitzen dute ikastola laguntzarik gabe».

Herri Urratsen biltzen den diruari buruz, Irigoienek adierazi zuen «Senpereko festarik gabe Xalbador ikastetxearen garapena ezingo zen gauzatu». Gaineratu zuenez, «Herri Urrats egiten jarraituko dugu datozen urteetan, bigarren ikastexa bat eraikitzeko». Kolegio hau 1995eko sarterako egin behar dute. Lapurdi kostaldean kokatuko da.



ANDER GILLENIA

Haur eskolen protesta Donostian

Gipuzkoako Haur Eskolen Koordinakundeak protesta egiteko kontzentrazioa egin zuen atzo goizean goiz Donostiako Lasala plazan Eusko Jaurlaritzako Hezkuntza Sailak duen ordezkartzearen aurrean. 1990az geroztik Administrazioari egin dizkioten eskaerak inolako erantzunik ez dutela izan salatu zuten. Besteak beste, Euskadiko Haur Eskolen Koordinakundearen eta Hezkuntza Sailaren arteko batzorde mistoa osatzea eskatzen dute, hiru urte bitarteko haurren hezkuntzarako eskola horien egoera arautzeko pausoak ematen has daitezen. Izan ere, beraiek Administrazioari igorritako eskaeretan adierazi dutenez, arlo askotan batere arautu gabekoa da eskola horien jarduna.

Bosniara beste kamioikada bat laguntza irten da asteon

DONOSTIA

SOS Balkanes erakundeak laguntza humanitarioz betetako beste kamioi bat bidali du aste honetan Jugoslavia izandako lurraldeetara. Elkarrekin berak emandako informazioaren arabera, Lesakan (Nafarroa), Irunen (Gipuzkoa) eta Bilbon bildutako arropaz osatu dute kamioikada, guztira 24 tona. Astelehenean irten zen kamioia eta bosniarrangana iristea du helburu.

Hala ere, Euskal Herrian bildutako laguntza bosniarrei helarazten nahikoa izango dutela aitortu du SOS Balkanes erakundeak. Izan ere, gerrak baretzera egin beharrean lehengoan jarraitzen duela nabarmendu dute. Milizia serbiarrenak ezezik, kroaziarren aldetikako erasoak ere gogortu eta ugaltu egin direla jakinarazi du SOS Balkanesek. Hori dela eta, nahi den lekura laguntza bideratzea oso nekeza dela diote, Bosniako serbiarrek eta kroaziarrek kontrolatutako lurraldeak direlako.

Dena den, laguntza helarazteko lan horretan nazioarteko erakundeen lan-kidetza dutela nabarmendu du SOS Balkanesek.

Arrazakeriaren kontrako protesta gaur Bilbon

Arrazakeria eta xenofobiaren biktimak direnei elkartasuna adierazteko protesta kontzentrazioak egiteko deia egin du SOS Arrazakeria taldeak. Lehen bilera gaur ilunabarrean egingo da, zortzi t'erdietan, Bilboko Arriaga antzokiaren aurrean. Donostian, berriz, bihar izango da kontzentrazioa, 20.00etan, Bulebarreko kioskoan.

Joan den asteko ostiral gauean Alemaniako Solingen hirian bizi ziren etxeari su eman eta bost turkiar hil zituztelako egin nahi dute protesta bereziki SOS Arrazakeria taldekoek. Ustez neonaziek egindako eraso haren ondorioz, bi neskato eta hiru emakume hiltzeaz gainera hamahiru lagun zaurituta utzi zituzten. Ondoren, asteburuan, Alemanian bizi diren turkiarren protesta ekintza ugari izan ziren.